

Хөн болгънас 7 килограмм сән, цевр ноос авхв

Кесг джилин эргцд би 107-ч совхозд хөбчәр кәдлджәнәв. 1957 джилд 1219 кәгшн иргс үвләс гару угагъар асрдж гаргъх, хөн болгънас 6 килограмм ноос авх даалгъвр бийдән авлав.

Авсн даалгъвран кӯцәхин кергт'үвл ирхәс урд өвсинь хадад, кошариннь өөр эврәннь чидләри зөбдж авбвдн. Хөн болгънд 3-д центнер өвс, хаша-хаацан болн уух усинь эртәр белдвдн. Тиигдж белдсн белдвр манд ик чиртә болв.

Өнъгрсн үвл хөбдән нег чигн гару угагъар гаргъсн төләдм намаг крайкомсоюз тӯрүн нӯүрт йовдг ах хөбчирт өгдг дарцгар ачлв. Кесг джилин эргцд үнтә белгәр болн магталин грамотар ачлгддж йовбув.

Хөбнд кәдлджәсн улстагъан ни-кевәр кәдлнәвдн. Мини хойрдгч хөбч Ветров Владимир Николаевич, гурвдгч хөбч Кулькин Юрий Васильевич, арбичка болдж мини гергн Головкина Татьяна кәдлнә. Цугтан нег-негнәннь үг сонъсдж, цуүгән угагъар,

олна даалгъсн даалгъвриг онъган өгч кӯцәнәвдн.

Мини отарт 1957 джилд 1219 хөбнәс 7314 килограмм ноос өгх бәәсмн. Тер зурагъан кӯцәхин төлә хөбгъән таргън-цатхлнъгар бәрдж, өдрсө гилго, чидлән әрвлл уга, ик ноос өгхәр зүтксн мини седкл кӯцв. Хөн болгънас 6 килограмм ноос авхин ормд 6, 2 килограмм ноос авч, цуг хөбнәсн 7558 килограмм ноос государствд белглүв. КПСС-н ЦК-н Негдгч сәгләтр үр Н. С. Хрущев Ставропольск крайин колхозникудт болн колхозницст, МТС болн совхозмудин кәдләчирт илгәсн йөрәлд хәрү өгч, 1958 джилд хәрүлджәсн хөбдән нег чигн гару угагъар гаргъх, хөн болгънас 7 килограмм ноос авх даалгъвр бийдән авбув.

Одана авн хаша-хаацан ясдж, хөн болгънд 3 центнер өвс, 1,5 центнер силос белдджәнәвдн.

Хөбдм ода таргън-цатхлнъг, ирх үвл әәмшг угагъар үвлзхв.

ГОЛОВЧЕНКО АРХИП.
107-ч номертә совхозин
6-ч фермин ах хөбч.